

## Suliffimmi avatangiisit pillugit politikki

Royal Greenlandimi suliffimmi avatangiisinik isumannaatsunik peqqinnartunillu pilersitsinitsigut suleqatitta peqqissusaata ilorrisimaarnissaatalu illersorneqarnissaat kissaatigaarput. Nillertumi oqimaatsunillu atortulimmi sulisaratta suliffeqarfitsinni suliffimmi avatangiisit pitsaasut ilorrisimaarnissamik angusaqarluarnissamillu tunngaviliisut pingaartippagut.

Suliffimmik ajoquserfiunngitsunik pilersitsinitsigut, sillimaffigisassanik sulinermit attuumassuteqartunik aqutsillutalu nakkutilliinitsigut kiisalu isumannaallisaanermik suliaqarnermi ataavartumik pitsanngorsaaneermik atuutsitsilernitsigut avatangiisit pitsanngorsartuarniarlugit akisussaaffimmik tiguvigut.

### Suliffimmi avatangiisit pillugit suliffeqarfissuup anguniagai

- Sulinermit ajutoornerit nappaatillu sulinermit attuumassuteqartut annikillinissaat
- Suliffimmi avatangiisinik nakkutilliinermut periaasimik suliffeqarfissuarmut tamarmut atuuttumik pilersitsinissaq
- Sulinermit ajutoornerit ajutuungajannerillu nalunaarutigisarnernik pitsanngorsaaneq
- Aqutsisut sulisullu suliffimmi avatangiisit isumannaatsut pillugit pikkorissarnissaat
- Suliffimmi avatangiisinut sinniisut aqutsisullu nunagisami suliffimmi avatangiisit pillugit inatsisinik ilinniartinnissaat
- Aqutsisut sulisullu iluminni ammasumik unneqqarissumillu oqaloqatigiittarnissaannik aqqutissiuineq

### Aqutseriaaseq ataavartumillu pitsanngorsaaneermik pingaartitsineq

Royal Greenlandip pitsaassutsit akuerisaasut naapertorlugit pingaartitat sinaakkutillu atornerisigut suliffeqarfissuarmi aqutseriaatsimik pilersitsillunilu pitsaassutsimik qulakkeerinnikkumavoq. Suliffimmi avatangiisit pillugit suleqatigiinnik suliffeqarfissuarmi periusissanik aalajangersaallutillu, atuutsitsilernissamik tapersersuullutillu ajutoornerit pillugit paasissutissanik katersisussanik pilersitsisoqassaaq.

Suliffimmi avatangiisit pillugit sillimaffissanik naliliinerit, periusissatut pilersaarutit malittareqqiinerillu najukkami periusit aalajangersimasut naapertorlugit ingerlanneqartassapput. Suliat tamarmik piffissap aalajangersimasup iluani peqqissaartumik suliarineqarlutillu najukkami, nunap ilaani suliffeqarfissuarmilu attuumassutilinnit tamanit pissarsiarineqarsinnaassapput.

Siuariaatit inernerillu CSR-imik aqutsisoqatigiinnit minnerpaamik ukiumut ataasiarluni nalilerneqarlutillu akuerineqartassapput.

### Ajutoornernik nalunaarutiginninneq

Tunisassiorfinni, aalisariutini allaffinnilu sulisut tamarmik sulinermit ajutoornernik ajutuungajannernillu nalunaaruteqartassapput. Aqutsisut sulinermit ajutoornerit ajutuungajannerillu suliffeqarfissuarmi periutsit kiisalu nunagisami najukkamilu inatsisit naapertorlugit takussutissiillutillu nalunaarusiortassapput.

Suliffimmi avatangiisit pillugit suleqatigiit pisortaqatigiinnut ukiumoortumik nalunaaruteqarnissaq akisussaaffigaat.

## **Najukkani isumannaallisaanermut ataatsimiititaliat nunatsinnilu isjmannaallisaanermut ataatsimiititaliarsuaq**

Najukkani isumannaallisaaneq pillugu suleqatigiit ataatsimiititaliallu ulluinnarni sulinermi isumannaallisaanermi sillimaffissanik suussusersillutillu, nakkutilliillutillu pinaveersaartitsisussat tunisassiorfinni, aalisariutini allaffinnilu pilersinneqassapput.

Najukkami isumannaallisaanermut ataatsimiititaliat, matumani suliffimmi avatangiisit pillugit sinniisoq ilanngullugu, sillimaffissanik naliliinermi, tunisassiorfinni misissuinermi kiisalu periusissanik pilersarusiornermi peqataatinneqartariaqarput.

Suliffimmut attuumassuteqartumik ajutoortoqarpat najukkami isumannaallisaanermut suleqatigiit ataatsimiititaliallu pisoq eqqartorlugulu, sillimaffissat nalilersoqqillugillu kingorna ajutoortoqaqqinnginnissaa qulakkiissavaat. Najukkami aqutsisup suliniutit atuutsinneqartut anguniakkat naapertorlugit atuunnissaat akisussaaffigaa.

Isumannaallisaanermi ataatsimiititaliarsuup nunatsinniittup najukkami isumannaallisaanermut ataatsimiititaliat atuuffiat sulinerallu tapersersorpaa. Isumannaallisaanermi ataatsimiititaliarsuaq sakkussanik pitsaasunik katersillunilu siammaterisuussallunilu najukkami ataatsimiititaliat inernerinik naliliissaaq. Paasisat suliffimmi avatangiisinik suliaqartunut CSR-ilerisunullu ingerlateqqinneqassaaq.

## **Sungiusaaneq ilinniartitsinerlu**

Aqutsisut sulisullu tamarmik suliatik suliffimmi avatangiisinut tunngasut suliarisinnaajumallugit pisariaqartunik sungiusarneqassapput. Suliffimmi avatangiisinut sinniisut isumannaallisaanermullu ataatsimiititaliani aqutsisut tamarmik suliffimmi avatangiisit pillugit ilinniagaq inatsisit naapertorlugit ilinniarneqartussaq ilinniassavaat.

Suliffik ajutoorfioqqunagu aqutsisut sulisullu isumannaatsumik sulinissamut, illersuutini atuinnissamut sulerusinillu tunngaviusassanik sulitilluni ajutooratarfiusinnaasunik sillimaffissanik annikillisaasuussanik atuutsitsilernissamut sungiusarneqassapput. Tamatuma saniatigut suliffimmi ilorrisimaarneq annertusarniarlugu aqutsisut sulisullu ammasumik unneqqarissumillu oqaloqatigiittarnissaminut sungiusarneqassapput.

## **Akisussaasut**

Royal Greenlandip tunisassiorfinni, aalisariutini allaffinnilu suliffimmi avatangiisit pillugit pisussaaffii tunngaviusut eqquutsinneqartussallu politikkimi matumani aalajangersarneqarput.


Sulisut tamarmik najukkami nunagisamilu inatsisit sulerusillu Royal Greenlandimut atuuttut atuutsissallugit akisussaaffeqarput.

Sillimaffissanik nakkutilliineq suliallu assingusut suliffeqarfiup avataaneersunut suliaassanngortinneqarsinnaapput. Najukkamili nunallu ilaani ingerlatsinermi aqutsisut pitsanngorsaaneq pillugu malittareqqiinissamut aallartitsinissamullu akisussaapput.


Pisortaqatigiit pingaarnertut akisussaasuupput.

Suliffimmi avatangiisit piluugit politikki Royal Greenlandimi sulisunut tamanut atuuppoq.

Nuuk, ulloq / - 2020



Mikael Thinghuus  
Pisortaaneq



Nils Duus Kinnerup  
Aningaasaqarnermi pisortaq



Lars Nielsen  
Tunisassiornermi pisortaq



Bruno Olesen  
Tuniniaanermi nittarsaassinermilu pisortaq